

Fungsanh Mehmbwk Bouxcuengh Fwngzmbaeu Cauh Diuzroen Baenz Miz

Ndwen 11 ngoenz 2, mehmbwk Bouxcuengh Fungsanh Ginhyaz Yauzczu Yangh cingq yotmae daemjbaengz. Fungsanh Ginhyaz Yauzczu Yangh miz haujlai aen mbanj Bouxcuengh, youq mwh minzcuz vwnzva hoenghvuengh hwngfat neix, vunzlai Bouxcuengh dangdieg dauqguh buhvaq ciuhgeq, daenj buhvaq ciuhgeq Bouxcuengh. Geij bi neix daeuj, Fungsanh vwnzva bumwnz yungh gijsdei neix guh dazyinx, cujciz dangdieg boux mehmbwk daiqdaeuz miz dungxcaiz, miz dinfwngz, miz naengzlig cujciz haenx laebbaenz aen ciennieb hozcozse diengzhong fwngzguh buhvaq minzcuz Bouxcuengh Ginhyaz Yauzczu Yangh, cienmonz guh caeuq gai buhvaq minzcuz Bouxcuengh. Aen hozcozse neix seizneix gaenq miz 200 lai ranz youq ndaw guh yotmae, daemjbaengz, nyibguh, siuqva, dinghaiz daengj dinfwngz conzdungj Bouxcuengh. Mehmbwk Bouxcuengh yungh song faj fwngz iqetet neix doidoengh bonj dieg vwnzva caeuq lijyouz canjnieb doxyungz hwngfat, cauhs ok diuzroen baenz miz mehmbwk louz youq ranz.

(Cauh Wnhgwz/周恩革)

► *Mehmbwk Bouxcuengh cingq yotmae daemjbaengz.*



▲ *Bouxhek gag ingj aeu bonjfaenh caeuq makndae.*

Gunghcwngz:

Daengx Biengz Lijyouz Cungj Gyalai

Ndwen 10 ngoenz 25, bouxhek youq Gveilnz Si Gunghcwngz Yauzczu Swciyen Lenzvah Cin Hungznganz AAAA Ginggih guhcaemz.

Bineix doxdaeuj, Gunghcwngz Yauzczu Swciyen gyavaiq doicaenh hwnjguh doengh gij hanghmoeg youqgaenj lijyouz suen canjnieb gauhdez ginghei, aen cin iq lijyouz daegsaek vwnzva Gunghcwngz, aenmbanj vwnzva Yauzczu, aenmbanj vwnzva cangqheiq, aen cin iq youzcaz, Hungznganz AAAA gaep daengj. Daengz ndwen 9, aen yienh neix lijyouz cungjsoqvunz 512 fanh vunzbaez, doengzbeij gyalai 89.6%, lijyouz cungjsiuhfei 66.5 ik maenz, doengzbeij gyalai 104.39%.

(Cwng Ciminj/郑智敏)

Sanhgyangh: Veh Dungcu Yinx Bouxhek Rogguck

Ndwen 10 ngoenz 31, lwghag Fazgoz youq Sanhgyangh Dungcu Swciyen Gujyiz Cin aen guenj daejniemh vwnzva feihyiz hag veh Vehdung. Ngoenzhaenx, 30 lai boux lwghag aen hagdangz Sanghaij lwg Fazgoz bae daengz Mbanjdung guh lijyouz daejniemh feihyiz vwnzva, doenggvaq hag Vehdung, yawj laeuz giuz daengj, roxnyinh gij yinxdaeuz daegbied Cungguck Dungcu feihyiz vwnzva. Geij bi neix daeuj, Sanhgyangh haenqrengz gyalai gij ligdoh vwnzva lijyouz doxhab, aeu feihyiz vwnzva lai cungj lai yiengh haenx bienqbaenz “diemj yinx gim” Mbanjdung fungcingz lijyouz, youq mwh coicaenh guek ndaw guek rog vwnzva doxyau, rengzrwd doidoengh Mbanjdung vwnzva lijyouz canjnieb laebdaeb cangqheiq hwngfat.

(Gungh Bujangh/龚普康)



▲ *Lwghag guek rog cingq hag veh Vehdung.*

Yungzanh:

Guh Aenvunq Doxdax Hawj Nyezrauh Cuengq Mbin Loqsiengj



▲ *Lwgnyez cingq guh aenvunq aenranz.*

Ndwen 11 ngoenz 2, youq Liujcouh Si Yungzauh Yen Vwnzdij Cungsims, bi 2019 Liujcouh Si cungh siujhagseng guh aenvunq aenci aenranz youq neix banh, aen hozdung neix youz Gvangjsih Sevei Dijyuz Yindung Fazcanj Cungsims, Liujcouh Si Gyauyuzgiz, Liujcouh Si Dijyuzgiz daengj mizgven bumwnz lienzhab cujciz cawjbanh.

Baez doxdaeuz neix gungh laeb miz aenvunq aenci, aenvunq aenranz song aen hanghmoeg. Doxdax yinx daeuj daengx gih ca mbouj geijlai 600 boux nyezrauh 30 lai aen hagdangz camgya, vih nyezrauh haifat dungxcaiz, gungganq cingzcauh, gyagiengz gohyoz suciz dap aen daiz mizyinx ndeu, coicaenh nyezrauh dwz, ci, dij, meij cienzmienh hwngfat.

(Cinz Ginghoz Cinz Gozcwng Liuz Liengzcunh)